



Tuhaqtipkaidjuti

Tuhaqtitauhainaqtukhaq

Kavamangit Nunavutim Newfoundland Labradormilu atiliuqhimajun Titiraqmik Tukihidjutimik

Ottawa, Ontariomi (Iidjirurvia 8, 2023) – Ublumi, Kavamangit Newfoundland Labradormilu Nunavunmilu atiliuqhimajut Titiraqmik Tukihidjutimik (MOU) hakugikhariami pidjutainni havaqatigiingnirni, paannariingnirni, hivunikhamilu pivallianirnun.

Titiraq Tukihidjuti (MOU) atiliuqtauhimajuq Nanngarijaujumin Andrew Furey, Hivuliqti Newfoundland Labradormilu, uumannga Nanngarijaujuq P.J. Akeeagok, Hivuliqti Nunavut, Nanngarijaujuq Lisa Dempster, Minista Munarijuq Labradormi Qanuriliurutainnun unalu Minista Munarijuq Nunaqaqqaahimajunun Qanuriliurutainnun Mamiharnikkullu, unalu Nanngarijaujuq Pamela Hakongak Gross, Tukliq Hivuliqti, Nunavut Kavamangani. MOUkut atiliuruti pivaktuq pitillugu Northern Lights 2023 katimarjuarnirmi Ottawami.

Ukiuqtaqtumi nuatqatigiikhuta, inuit Newfoundland Labradormilu uvanilu Nunavunmi pilgit inuhikkut, pitquhikkut inuuqatigiingnikkullu pidjutinik pipkaijun havaqatigiingnirnik paannariigutiniklu. Tamarmik nunagijaujun pilgit hakugiktunik Nunaqaqqaahimajunik inugiangnirnik pidjutiqatigiikhutiklu aajikkiingniqaqtunik-ihumagidjutinik pidjutinik qajangnaittukut aularaanginnaqtukullu Ukiuqtaqtumi pivallianirnun, turaangaplutik pinikkut atauttikku ikajuutikhanik Ukiuqtaqtunun Nunaqaqqaqtunullu nunallaanun.

Una MOU pipkaijuq parnaqutikkut havaqatigiigutinik nunagijaujuni ilitariplunilu atuni hakugigutiit ajuitaillu taapkununga pimmarigharnikkut piangaijarnikkut inuqatigiingnikkullu pivallianirnun pinikkullu ikajuutikhanik taimaa uuktuqvikhat nuidjutainnin Ukiuqtaqtumi.

Kavamangit angiqhimajut piliuriami Havaqatigiingnikkut Atuatipkainikkullu Katimajikhanik, ikhivautaqatigiigutiqarlunilu ukunannga Labradormin Qanuriliurutainnun Havagvianin, pidjutiplugu Newfoundland Labradorlu Kavamanga, uumanngalu Kavamaliqijikkut Havagvianin, pidjutiplugu Nunavut Kavamanga. Katimajiit atauttikku piliurniaqtun pidjutikhamik havaqatigiingnirnun ihuarhainirnullu kavamatkunni taapkunani atauttikku pijumajainni.

Newfoundland Labradorlu Nunavullu atauttikkut pijumajun havagutigilugin aajjikkiiniqarutiit talvuunga hivumuudjutikkut aallangajukkut, pimmarigharnikkut piangaijarnikkut inuqatigiingnikkullu pivallianirnun, akhuurhainirnun aallakkiingnirqarnirnun ilauqataunirnillu ikajuriami aulapkainirmullu aullariktunik, piangittuniklu nunallaanik.

Uqautaujut

“Nakuugijavun paannariigutiqativun Nunavut Kavamangani. Nunakkut nuatqatigiiktugun atauttikukullu pidjutiqatigiiktugun amigaittuni piangaijarnikkut, inuuqatigiingnikkut pitquhikkullu pidjutinik. Atiliurnia uumani Titirami Tukihidjutimi hakugikhaqtait havagutivun havaqatigiikhimmaarutiptikni ukunani atauttikkut hivulliutijumajaptikni imaatun hilaup aallanguqtirutaani, aanniaqtailinikkut munaridjutainni, iglukhaitigun uvanilu amigarnarhinikkut upalungaiqhimadjutikhani.”

Nanngarijaujuq Andrew Furey

Hivuliqti Newfoundland Labradormilu

“Nunavutip pidjutaa Newfoundland Labradormilu tunngajuq atauttikkut uppiridjutini atauttikukullu tariukkut ingilraami pidjutainni. Una paannariiguti pipkaqtitaatigun havaqatigiikluta angikliharnirnun piangaijaidjutinun imaatun iqaluliqinirnun, aquinirnun, ukunanilu ublumiutanun qaritaujakkuurutikkut atadjutinik. Hinaanittuni avikturhimajiujuni havaqatigiingniaqtugun auladjutikhanik akhuuqtun naudjutikhanun ikajuutaujuqlu Kanadaup aulapkainiqarvianun.”

Nanngarijaujuq P.J. Akeeagok

Nunavutim Hivuliqtia

“Newfoundland Labradorlu Nunavullu atauttikkut aajjikkiingniqaqtunik pidjutilgit talvunga qajangnaittukkut aulaaanginnaqtukukullu pivallialiurnirnun Ukiuqtaqtumi. Niriuktugun piliurnirmun uumani aulahimaaraaqpaktumi pidjutiqatigiigutiptikni pipkainikkullu amigaiqjuummiqtunik havangnikkut uuktuqvikhanik atauttikukullu havagutikhanik upalungaijarutikhakkut hivunikhamik pivallianirnun amigaiqjuummiqtunullu piangaijarnikkut hulidjutinun.”

Nanngarijaujuq Lisa Dempster

Minista Munarijuq Nunaqaqqaahimajunun Qanuriliurutainnun Mamiharnikkullu

Minista Munarijuq Labradormi Qanuriliurutainnun

ᐱᓕᓕᓕᓕᓕᓕ ᐅᐱᓕᓕᓕᓕᓕᓕᓕᓕ ᐱᓕᓕᓕᓕᓕᓕᓕᓕᓕ ᐃᓕᓕᓕᓕᓕᓕᓕᓕᓕ, ᓕᓕᓕᓕᓕᓕᓕᓕ, ᐃᓕᓕᓕᓕᓕᓕᓕᓕ ᐅᐃᐃᓕᓕᓕᓕᓕᓕᓕ, www.gov.nu.ca.

News releases are available in Inuktitut, English, Inuinnaqtun and French on www.gov.nu.ca.

Tuhaqtakhatittut Inuktitut, Qablunaatitut, Inuinnaqtun Uiviititullu talvani www.gov.nu.ca.

Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.

“Talvuuna uumani Titiraqmi Tukihidjutimi, kavamavun havaktaaqnun hakugikhaqtaaqtaait inungnun pivalliajutit ikiklilaqtirlugillu aivikhaittun umanilu niqikhailliurnirnik.

Atauttikkut, hakugikhaqtaaqtavun ajuittun havaktivun taimaa paannariiqatikkut iliharutini ajuirharutinilu pidjutilgit pijaaqtullu ukunani ungahingmiittuni nunallaaptikni.”

Nanngarijaujuq Pamela Hakongak Gross

Nunavutim Tuklia Hivuliqti

###

[Titiraq Tukihidjutit Ukunani Kavamait Newfoundland Labradormilu uumanilu Nunavut Kavamangani.](#)

Ilitturittiarumaguvit

[Northern Lights 2023](#)

[Ukiuqtaqtumi Pivallianikkut Ministait Katimania](#)

Tuhaqtipkainikkut Uqaqatigivikhat

Meghan McCabe

Hivuliqtiup Havagvia, Newfoundland Labradormilu

709-729-3960

meghanmccabe@gov.nl.ca

Beth Brown

Hivuliqtiup Havagvia, Nunavut

867-975-5059, 867-222-1061

bbrown6@gov.nu.ca

Allan Bock

Labradormi Qanuriliurutainnun Havagvia

709-896-7935, 709-899-6446

allanbock@gov.nl.ca

Casey Lessard

Nunavut Kavamanga

867-975-6004, 867-223-0422

clessard2@gov.nu.ca

Kavamanga Newfoundland Labradormilu uumanilu Nunavut Kavamanga hivuagun atiliuqtaa MOU 2015mi. Una angiuti tunnganiqatuuq qanga taimaa piraagpakhimajunin nakuujunillu havaqatigiigutinin ukunani malruungni nunagijaujunin.

Talvuuna nutaami MOUmi, nunagijaujuk havaqatigiingniaqtuq, tuniutiqatigiiklutik
ilitturipkaidjutikhanik aulapkailutiklu paannariigutinin hapkunani hivulliutijaujumanirni:

- Ilaupluni pivallianirmi uumani malruungnik-ukiuqaqtumik havangnikkut hivunikhamik atuqtipkailirnirmi piniarhimadjutinik uvani naunaiqhimamjuni hivulliutijumajaujuni, Havaqatigiingnikkut Atuqtipkainikkullu Katimavik piliurniaqtuq uuminnga ukiuq tamaat unniudjutikhamik Hivuliqtiinnun naunaijarlugin hivumuunniit pittaarniarungnarhijunik kituni uvani hivunikhamik havaqatigiingutikhanik paannagatigiingutikhaniklu.

Newfoundland Labradorlu Nunavullu ilaujun uumani Ukiuqtaqtumi Pivallianirnun Ministani Katimajiinni (Northern Development Ministers Forum (NDMF)), katimajun ilalgit avikturhimaniinnin ukiuqtaqtunillu nunanin uvani Ukiuqtaqtumi. NDMFkut hivumuutijaa aallakkiit atuqtauraanginnaqtullu pijumaniit inuit inuujun Kanadaup Ukiuqtaqtuani, taimaalu kangiqhittiattithugin ukunani ihumaliuqtini inungnullu mighaagun inirhimavaktainni, tuniutivaktainni pijaagtaagtainnilu Ukiuqtaqtumi.